

مجموعه آجودانیه

۱۸ نجی سنه

جزوه عدد : ۶۱

غره محرم ۱۳۱۵





عشق

—••—

عشق اوقدر نوعی وارد که انسان آنی اغیارنی مانع وافرادی جامع بر صورتده تعریف و تعیین ایچون بر تعبیر بولمقده عاجز قالور .

عشق نامی ، رابطه سز بر محبت، بر ساعت صکره نفرته تبدل ایده بیله جک موقت بر حالت شوق و شهوته ودها بیک درلو خیالی ذوق ولذته ویرلمکده در .

بو بایده اجرای تدقی ایتمک استیان فیلسوفلر ، سقراطک (آلسیاد) و (آغاطون) ایله عشقه دار ایتدیگی محاوره بی مطالعه ایتسون .

عشقه دار بر فکر پیدا ایتمک مقصود ایسه باغچه کده دالان داله قونان سرچهلرک ویا اوچوشان کوکر جینلرک حاله باق! ایکی سایس بیدله قصراغک یانه کتوریلان او حریص ، او کوکره مش ارسلان کبی کشیان آته نظر ایت ! قصر اق ابتدا اوصلی طور دینی حالده آنک تقریبی حس ایدر ایتمز الجای طبیعتله قویروغنی یان طرفه آتیورر . گوزلری شراره لر صاچه جق کبی پارلامغه باشلار . آت ایسه گوزلری اویندن فیرلامش ، بورینک دلیکلری بر اوقدر دها آچمش اولدینی حالده فطرتک کندیسنه اش اولق اوزره ارانه ایتدیگی قصراغک اوزرینه کمال شوق وشفغله هجوم ایدر . بو حاله باقوبده حیواناته غبطه ایدرسه ک زده ، صورتده انبات ماهیت ایتمش اولورز . چونکه افراد بشرده کی عشق ، غریب حیواناتک تلذذات شهوانیه لریله نسبت قبول ایتمه جک مرتبه لرده عالیدر . حیوانک حرص و شوقی تسکین شهوت ایتدیگی آندن اعتباراً منطقی اولور . آنلرده مدت مدیده

سوروب گیده جک بر اثر محبت گورلمز . عشق و محبت و طاطلی طاطلی بوسه‌دل
آنجق نوع بشره خاص اولان بر احسان فطرتدر .

طبیعت بشر ، فطرتک نوع آدمه رایگان قیلدینی هرشیی مرتبه کماله ایصاله
مائل و مستعد اولدیفندن ، عشق و محبت دینلان اسرار طبیعتی دخی تزیین و اکال
ایتمشدر . نظافت و طهارت و بعضی تقیدات مخصوصه جلد بشره دها زیاده روتق
و نزاکت و بناء علیه دلك و تماسنده احساس لذت ایدر بر لطافت حصوله گتورمکده‌در .
محافظه صحته ایدیلان دقت دخی و سائل شهوانیه‌نک دها زیاده بر قوت و صلابتله
اجرای وظیفه ایتمسینه سبب اولور . بو عشق و محبت حسیات سائره‌نک کافه‌سی
انضمام ایدر . و حسیات ایله محبت آره‌سنده (حبّ نفس) دینلان خاصه بر رابطه
مقامنده بولئور . آندن صکره طبیعتک وضع ایتدبگی بر اساس اوزرینه بیك
درلو خیالی شیر تصور و بنا ایدر .

ایشته او عشق و محبت حیواناتده مشاهده اولنمز . لکن سزاوار تأسفدرکه بز
بومسرتلرله شیرنکام اولدیفنمز حالده هادم اللذات بر طاقم اکدار و آلامه دخی هدف
اولمقده‌یزکه، حیوانات آندن آزاده و مصوندر .

وولتر

